

შინაური საქმეები

№ 6.

კვირა, თებერვალი 7, 1910 წ.

აღმსნი: ქუთაისი „შინაური საქმეების“ რედაქცია

ყოველკვირეული გაზეთი.

შინაარსი: სიტყვა; საეპარქიო სასწავლებელს პატრონი ეპიკურება—ხელისა; რა მნათობი გვეყვანს!—რამპოლლა; სიტყვა სამარადისო სიმართლისა—ლუკია-

ნოვისა; კვირიდან კვირამდე; სიტყვა თქმული ქ. ვპ. ეკლესიაში; ვისკ, კირიონი და ოსტოვაროვი; სამღვდლოების ავ-კარგი; წერილი რედაქციის მიმართ.

ყოველკვირეულ გაზეთ „შინაურ საქმეებს“
 ხელის მოწერა მიიღება რედაქციაში, ქ. ქუთაისში (საბურთალო—კახაკოვის შესახვევში № 17) და თბილისში გამომცემელთან სამხის-ბაზარში.
 წლიური ფასი 4 მან. ნახ. წლით 2 მ. ღ 50 კ.
 გაზეთი ღებულობს დასაბეჭდად ყოველგვარ განცხადებებს.

სიტყვა

მაღალყოვლადუსაფლდლომისის ინოკენტის საფუხსოს მიმართ.

სალამს ვუძღვნი ივერიის ეკლესიის, ღეთისმშობლის სამღვთო ნაწილს, ანგელოსთა მშვიდობის სიტყვებით და ღეთის კაცთა მიმართ სათნოებით, რომელიც მათ უგალობეს ახლმდ შობილ მაცხოვარს: „ღიდება მაღალთა შინა ღმერთსა, ქვეყანასა ზედა მშვიდობა და კაცთა შორის სათნოება“, მაღლი, წყალობა და მშვიდობა ღეთისა მამისა ჩენისა და უფლისა იესო ქრისტესი, რომელმაც მისცა თავი თვისი ცოდვათა ჩენთათვის, განისვენებდეს ყოველთა ზედა ტაძართა და საფანეთა, ქალაქთა და სოფელთა, მწყემსთა და საშწყსოთა ივერიის ეკლესიისათა. ვდგევარ რა ამ უძველეს ტაძარში, რომელიც თავის სახელით მოკვავანებს იმ სიონის ქორს, სადაც იყვნენ მოციქულები შეკრებილი, მე გონებით გადავდივარ მოციქულთა დროებში, როდესაც მაღლით დაჯილდოებულნი უცხო ენათაზედა მეტყველებით, იგინი გაიფანტენ მთელ ქვეყნიერებაზე, და კრძალულებით მოვიგონებ, ნეტარყოფ და ვადიდებ წმ. მოციქულებს ანდრია პირველწოდებულს და სიმონ კანანელს, რომელთაც მოუტანეს სიტყვა სახარებისა კავკასიის მთების მკვიდრთ. თანა-

დაიბეჭდა
 საბლალოჩინო ვედომოსტის
 ბლანკები.
 მსურველთ შეუძლიანთ მოიკითხონ
 „ქმოვის“ სტამბაში
 ქ. ქუთაისში თბილისის ქუჩა კირიშვილის სახლი.



ბრად მათდა იყოს კურთხეულ თესლითი თესლამდე სახელი დედაკაცისა, მსახურისა სიტყვისა უფლისა, მოციქულთა მობაძვისა, დიდის ივერიის განმანათლებელის ნინოსი. სიდიადე მისი მოციქულებრივი მოღვაწეობისა კრძალულებით ავსებს ადამიანის გულს. ცრემლნი სულიერი სიხარულისა იფრქვევიან თვალიდან, როცა ისმენ მოთხოვას შესახებ მისი მაცხოვარებითი შრომისა და ტანჯვა-წამებისა, რომელნიც მან მიიღო ქადაგებისათვის სახარებისა მკვიდრთა მიმართ საქართველოისათა. მაგონდება წინასწარმეტყველებრივი ლოცვა მეფის მირიანისა, რომელიც საუკუნეთა განმავლობაში სრულდება შვილთა ზედა კავკასიისათა. „ღმერთო ნინოსაო! განფანტე სიბნელე წინაშე თვალთა ჩემთა და მე აღვიარებ და ვადიდებ სახელსა შენსა“; სიბნელე თანდისთან იფანტებოდა ქართლის, კახეთის, იმერეთის და სხვა მხარეების მკვიდრთა თვალთა წინაშე ქრისტეს სიტყვის სხივ ქვეშ; თითქმის ყველა ტომნი მთისა და ვაკისა მზათ იყვნენ ექით და ედიდებით წმიდა სახელი უფლისა, რომ ამას წინ არ გადაღობებოდა ბრძოლა ძველ ივერიის სამეფოსა თვითარსებობისათვის. თქვენ ჩემზე უფრო იცით ეს სამწუხარო სტრიქონები საქართველოს მეფეების განუწყვეტელი ომებისა ხან ოსმალეთთან და ხან სპარსეთთან თავის სამეფოს დამოუკიდებლობისათვის. ამ ომთა და განხეთქილებათა შორის ბუნებრივ და თავის თავად გასაგებ მიზეზთა-გამო შეუძლებელი იყო თესვა და ზრდა ქრისტეს წმიდა სარწმუნოების თესლისა, რადგანაც იგი თავის ასაღორძინებლად მოითხოვს გულთა დამშვიდებულთა და არა ხმალთა ელერას და ომიანობის კიენას. ისტორიის მაგალითები ამტკიცებენ, რომ ომიანობის საუკუნეებს თან მოსდევს სარწმუნოების დაცემა და ზნეობრივი გავლურება. ამიტომ საკვირველების ღირსია, რა ნაირათ შეინახა წმ მართლმადიდებელი სარწმუნოება ძველ ივერიაში ომიანობის ქარიშხალთა და უბედურებათა შორის, რომ არ დაიბურა, არ შესუსტდა, არ გაქტა. ვიგონებ რა ამ წარსულ დღეებს და ვიწერ

თნები რა მათში, მწყემსურ გულის მოვალეობად ვიხდი კედელთა შორის ამა მხცოვანი ტაძრისა, განვლილ ომთა და გაქვირებათა მოწამისა ქებით შევაგო ქართველი ხალხი მისთვის, რომ მან მოციქულთა დროიდან დაწყებული შეინახა, დაიცვა უვნებლად წმ. თესლი მართლმადიდებლობისა, გამოიტანა მამათა სარწმუნოება მძიმე ბრძოლათა საუკუნოების განმავლობაში მთელი და შეუზღალავი. და მხოლოდ რუს თვითმპყრობელთა სკიპტრას ქვეშ მშვიდობა და მყუდროებამ გაანათა მთანი კავკასიისა და თანდისთან გაიკაფა გზა იმ ტომთა აულებში, რომლებსაც დაუსახელებია ისინი.

ეს მშვიდობა გვავალებს ჩვენც და თქვენც, მწყემსო და მწყემსმთავარო აღვიდგინოთ მესხიერებაში წმ. ნინო ქართველთგანმანათლებელის მოღვაწეობანი, მტკიცეთ ჩავიდვით ივანი გულში, რომ მივბაძოთ მას მოძღვრებითა და კეთილმორწმუნეობითი ცხოვრებითა. დღიდგან ამ მშვიდობიანობის დამყარებისა კავკასიაში, რომელიც მტკიცეთ არის დაცული რუს თვითმპყრობელი იმპერატორის ტახტით, მოციქულებრივი საქმე წმ. ნინოსი შესახებ ივერიის ეკლესიის მოწყობისა, უნდა შეიქმნეს ჩვენი საერთო ხვედრი. მაშ, დავისვით მიზნათ წმიდა საღვთო საქმე, საქმე განათლებისა და გამობხნისა კაცთა ნათლითა ქრისტეს ქეშმარიტებისათა და ექმნათ იგი მშვიდობით და სიყვარულით, შიშითა და მოკრძალებით. მაგრამ ჩვენი სამოციქულო შრომის კეთილწარმატებისათვის მტკიცედ შთავიბეჭდოთ სიტყვანი, რომელთა გარეშე ეს მოღვაწეობა არ მოიტანს ნაყოფს, გვახსოვდეს, რომ ქრისტეს ეკლესიაში დღიდგან სულიწმიდის გადმოსვლისა მოციქულთა ზედა, არ არის განყოფა ხალხებად და ტომებად, რადგან ყველანი ძენი არიან ღვთისა ქრისტე იესოს მიერ. არ დავივიწყოთ ის უსაცილო ქეშმარიტება, რომ მაღალი და წმიდა მოციქულებრივი საქმე მოითხოვს ჩვენ მწყემსთაგან ერთსულოვნებას, ერთაზროვნებას, შფოთისა და განხეთქილების განშორებას. წმ. მოციქულმა სასტიკად განკიცხა განყოფა პავლესად,

აპოლონისად და კეფასად შიტომ, რომ არსად და არასოდეს არ გაყოფილა ქრისტე. ამიტომ ქართველიც, რუსიც, ბერძენიც და მეგრელიც—ყველა ძმანი არიან, ყველა ერთი არიან ქრისტეს მიერ. მოწოდებული ღვთის განგებით და სრულიად რუსეთის თვითმპყრობელის ხელმწიფე იმპერატორის ნებით წინამდგომელად ივერიის ეკლესიის კათედრისა, მე აღვიარებ საქვეყნოდ თქვენ ყველას წინაშე, რომ მზათა ვარ შევსწირო მთელი ჩემი ძალ-ღონე, ჩემი გონება და შრომა ივერიის ეკლესიის კეთილწყობილობას. ჩემთვის არ იქნება განჩევნა ქრისტეს აღმსარებელ ხალხთა შორის. გეტყვი თქვენ მოციქულის სიტყვით: „ვექმნები ყოველთა ყოველ: ურიათა თანა, ვითარცა ურია, რათა ურიანი შევიძინე, უძლოურთა თანა, ვითარცა უძლოურ, რათა რომელიმე ვაცხოვნო. თქვენი სიკეთე ჩემი სიკეთეა, თქვენი მწუხარება ჩემი მწუხარება.“

თქვენ, მწყემსნო და თანამოსამსახურენო, გთხოვთ და გვევდრებით ეკრძალენით თავთა თქვენთა და სამწყსოსა, რომელშიდაც სულმან წმინდამამ დაგადგინათ მწყსად ეკლესიისა უფლისა ღვთისა, დამეხმაროთ მე სიტყვით და საქმით, მომეხმაროთ, გამამხნევოთ მე ჩემ შურში ივერიის ეკლესიის შვილთა კეთილისა და ცხოვრებისათვის. დავასრულებ ჩემ სიტყვას თქვენდამი მოციქულმრივი მოკითხვით: „აღორძინდით სარწმუნოებით, ინუგეშეთ ამით, იყვნენით თანხმობით და მშვიდობით—და ღმერთი მშვიდობისა და სიყვარულისა თქვენ ყოველთა თანა“.

„Тиф. Листок“.

სამეპარკიო სასწავლებელს კატრონი ეპირვება.

იმერეთის ეპარქიალური საქალგებო სასწავლებელი აღარ არი, რაც იყო. თავდაპირველად იგი სამკლასიანი იყო და განძრახუ-

ლი იყო ასეთი დარჩენილიყო სამუდამოთ, მაგრამ მალე თითქმის თავის თავად და ბუნებრივად გადაკეთდა ჯერ ექვსკლასიანათ და მერმე რვაკლასიანათ. მოსწავლეთა რიცხვმაც შესამჩნევათ იმატა და დღეს ეს სასწავლებელი თავის მოთხოვნილების სირთულით არაფრით არ ჩამოუვარდება ქუთაისის წმ. ნინოს საქალგებო სასწავლებელს, ამიტომ რაც წინეთ მართვა-გამგეობა და პატრონობა ჰქონდა ამ სასწავლებელს, ის დღეს აღარ კმარა. თუ უწინ სხვისი ზიარი ინსპექტორი ყოფნიდა, დღეს საკუთარი ეპირვება, თუ წინეთ ზიარი მასწავლებლები აკმაყოფილებდნენ, ესლა საკუთარია საქირო. ხოლო ასეთ შედგენილებას, რა თქმა უნდა, ვერ დააკმაყოფილებს არსებული ჯამაგირი. განსაკუთრებით საქიროა დღეს სასწავლებლისათვის საკუთარი ინსპექტორი, რომელიც მთლად სასწავლებელს უნდა ეკუთვნოდეს და ბინადაც იქ უნდა ცხოვრობდეს, რომ განუწყვეტილად ადევნოს თვალყური სასწავლებლის საქმეებს. სხვა არა იყოს რა, მართო ამოდენა შენობას უნდა ერთი საკუთარი მმართველი.

ექვი არ არის საკუთარ ინსპექტორს 150 მანეთის ჯამაგირით ვერ ვიშოვნით, რადგან დღეს ორი ამდენი ჯამაგირი უბრალო იატაკის მრეცხელ მოსამსახურესაც ვერ აკმაყოფილებს; ამიტომ საქიროა რაიმე წყარო გამოენახოთ და სასწავლებლისთვის საკუთარი ინსპექტორი უზრუნველყოთ.

თუ ნამეტანს არ გავაძნელებთ საქმეს და მთავრობაც დაგვთანხმდება, ძვირათ არ დავიჯდება საკუთარი ინსპექტორი. ჩვენი აზრით არაფერს დააშავებს, რომ ინსპექტორად ვინმე სასწავლებლის საქმეში გამოცდილი სემინარიელი მღვდელი ჩავაყენოთ. ასეთი მღვდელის უზრუნველყოფა ადვილია და დიდი თანხის დამატება არ დაქირდება სამღვდლოების მხრით. იგივე ინსპექტორი იქნება სასწავლებლის მღვდელიც, რაც თორმეტ სამღეთო სჯულის (ან სხვა საგნის) გაკვეთილთან 900 მ. ჯამაგირს შეუდგენს. ამას რომ 150 მანეთი არსებული საინსპექტორო ჯამაგირიც მიუმატოთ და 1500 მ. ჯამაგირათ შევა-

სრულოთ, საზღვდლოებას სულ რაღაც 450 მანეთის გამოღება დასჭირდება წელიწადში, რაც შტატზე შეადგენს თითქმის თითო მანეთს. ესევე მოთხოვნილება შეიძლება საქლასო გადასახადთაც დაკმაყოფილდეს. ამ ჯამაგირით სრული კმაყოფილი იქნება საშვალო განათლების მღვდელი, რომელსაც თუ საქმიანობის უნარი ექნა და საზოგადო საქმისათვის გულ-შემატკივრობა, ბევრ რამეს შესძენს სასწავლებელს. საჭიროა ამ საგანს ღრმად დაუფიქრდეს მომავალი მორიგი კრება.

ხელი.

რა მნათობები გვყვანან!

ნეტა ჩვენ დედა ქალაქს თფილისსა!

შიდ-მრავალნი აკადემიელნი მოძღვარნი სუფევენ. აქ ღვთის მეტყველება უნდა ჰყვოდეს: ქადაგება ტაძრებში განუწყვეტლივ უნდა ისმოდეს, რელიგიური საუბრები უნდა იმართებოდეს, საღვთისმეტყველო თხუზულეებები უნდა იწერებოდეს, სასულიერო ყურნალ-გაზეთები უნდა იცემოდეს, სიტყვითა და კალმით სარწმუნოების უარისპყოფელთა და ქრისტიანობის მგმობელთა უნდა ეომებოდნენ. დიად, უნდა... უნდა .. გარნა სინამდვილე სხვას გვიჩვენებს. სამწუხაროა; ფრიად და ფრიად სატირალია! არსად ქადაგება, არსად საუბარი, არსად ყურნალი; დაღუმეზულან, გაქვავებულან!

რასა შვრებიან მწყემსნი კეთილნი? ერთი მუდამ სახლში ზის; ფეხს აცვია სამი წინდა და სამი კალოში; გარედ ხალხში ვერ გადის, გაციების ეშინია; მუდამ წამლობაზე ფიქრობს; და აბა ამან რა უნდა გააკეთოს! მეორესა და მესამეს ზორბად უმუშავენიათ თორმეტ-თორმეტი ადამიანი საზოგადოებისთვის შეუძენიათ; და რა თქმა უნდა მთელი მათი ძალღონე, ენერგია იხარჯება იმაზე, თუ როგორ დაუხარდონ სამშობლოს სახელოვანნი მამულისშვილნი, და სულ იმას სცდილობენ, თუ როგორ აგროვონ ფული, და იმისთვის თუ როგორ

გამაგრდენ პოზიციებზე და აამონ მარჩენელ მთავრობასა; მეოთხე ხტის, ფაფხურობს, ხმაურობს, იმას, ეცემა, ამას ეძგერება, და ჰგონია, რომ წერილმან წერილმანობით ვითომც დიდ საქმეს აკეთებს; თანაც შფოთავს, რომ შკოლებში გაკვეთილებს არ აძლევენ, რათა ჯიბე გაისქელოს. მეხუთე სულ მთლად გაფილოსოფოსებულა და ენა მუცელში ჩაუგდია; ალბად ფიქრობს, რომ სულ ერთია, ქვეყანას ვერავინ გაასწორებს, და თავის შეწუხება არა ღირს, და ამიტომ ვილიდინოთ: „ისევ და ისევ ქამითა, დრო გავატაროთ ძლომითა!“ და იგი ფულის შესაძენად მიცვალებულებს ღებულობს და ფხიზლად ყარაულობს. მეექვსეს ფულის მიერ ნაბოძები ტალანტი მიწაში დაუმარხავს. და მართლაც, საიდან შეუძლია გამოიჩინოს და აამუშავოს თვისნი ნიჭნი, როცა არსებობისთვის იძულებულია დილიდან საღამომდე ბავშვებს ლოცვები აზეპირებინოს, მათ მიერ ნაჯღაბნი რვეულები ასწოროს და ხშირ-ხშირად იძახოს: Ц (Т) ише, Ц (Т) ише. მეშვიდეს... მაგრამ კმარა. რა გამოვა ჩვენ რო აქ ვსწეროთ. რაც უნდა ვძრახოთ, მამანი სახიერნი თავისას არ მოიშლიან. მათი მუდმივი ფიქრი იქმნება: გულზე ორდენი, გვერდზე გენქერი, ქისაში ფული, კუჭი მძღარი, მიშკა რუსეთში დიპლომისათვის, კატია მდიდარ ქმარს ამა სოფლიურ ნეტარებისთვის, ხოლო ამ მიზანთა მისაღწევად არავითარი არაჩვეულებრივი მოქმედება საჭირო არ არის; მათ უნდა ჰქმნან ისა, რასაც ყველა მღვდლები, სემინარიელები და უჩილიშჩელები აკეთებენ, ე. ი. ასრულონ საეკლესიო წესები, მიცვალებულებს წინ გაუძღვენ, ნათლისღებასა და აღდგომას მრევში კარ და კარ იარონ, გროშები ჯიბეში ჰყარონ და კიდევ შკოლებში ფილარეტის კეტეხიზმო აღეჭვირონ

ოოოხ... სულ ძილი ძილი! უმოქმედობა! სამშობლოვ ტკბილო, როს გელირსება შენ აღყვავება! როდის იხილავ შენთა მოძღვრთა მოღვაწეობას, აღმაფრენასა!

რამპოლა.

სიტყვა სამარადისო

სიმაღლისა.

(რუსულით).

ნამდვილი, სრული სამსახური სამშობლოსა და კაცობრიობისადმი არის მაშინ, როდესაც ზგი არის სამსახური სამშობლოსა და კაცობრიობის მიერ უმაღლესის სიყვარულისა და სიწმიდის იდეალისადმი; ე. ი. მაშინ, როდესაც, ამ სამსახურს აქვს რელიგიური ხასიათი, საფუძვლად აქვს რელიგიური შეხედულება საზოგადოდ მთელი ქვეყნის, და კერძოდ, ადამიანის ცხოვრებაზე. უამისოდ-კი შეხედულება ადამიანის ყველა საქმეზე და კითხვებზე ყოველთვის იქნება არა სრული, კულ-მოქრილი, და ყოველი ბოლო ადამიანის მოქმედებისა იქნება ტრადიკული, მწარე შეგნებით, რომ ყოველივე ეს არ არის ის, რაც უნდა უფილიყო, არ არის ის, რაც გვაახლოვებს ჩვენ უკეთეს მომავალთან. მაგრამ ამისთანავე საჭიროა ითქვას, რომ კაცს თვით რელიგია უნდა ჰქონდეს შეგნებული სწორედ, სრულად, და არა კულ-მოქრილად.

ნამდვილი შეგნება რელიგიისა არის წარმოდგენილება ქვეყნიურ ცხოვრებაზე, როგორც საუკუნო კავშირზე ქვეყნისა და კაცისა ღმერთთან, თვით დაახლოვებულ და ცხოველ ურთი-ერთობაზე ქმნილებისა შემოქმედთან, სასიყვარულო და განუყრელ შეუღვლაზე ადამიანის სულისა ღმერთთან. ყოველივე სხვანაირი შეხედულება რელიგიაზე იქნება გონჯი, არა სრული.

ძველი ქვეყნის რელიგიები და აგრეთვე ველური ხალხების კერპთ-მსახურება არასოდეს არ ყოფილან რელიგიურ გრძნობას მოკლებულნი. პირიქით, რელიგიური გრძნობის მდგომარეობა წარმატების რელიგიებში ხშირად აღის გასაკვირვალ სიმაღლემდის. თუ რომ კაცი, რელიგიური აღძვრით გატაცებული, იყენებს თავის თავზე ყოველნაირ ქენჯნა-

წვალებას, მეტის აღტაცებით თავს იკლავს, ან რომელიმე კერპის, მოლოხის, პატივ-საცემლად მიაქვს მსხვერპლად და საშინელის ტანჯვით ცეცხლში სწვავს თავის საკუთარ შეილს, თავის ძვირფას და საყვარელ არსებას, — მაშასადამე, ცხადია, რომ ასეთი კაცი რელიგიას უცქერის ძალიან სერიოზულად და დიდი რელიგიური გრძნობით არის აღსავსე; — მაგრამ მთელი მისი უბედურობა იმაში მდგომარეობს, რომ მას არა აქვს სწორე წარმოდგენა რელიგიაზე, მისი შეხედულება რელიგიაზე არის ტლანქი, გლახაკი, ვიწრო, კულ-მოქრილი.

რელიგია არის ისეთი გრძნობა, განწყობილება, რომელიც შეიძლება ერთნაირად საპატიო იყოს წარმართშიაც, იუდეულშიაც, მაჰმადიანშიაც და ქრისტიანშიაც; რელიგია არის გარდაკვეთილი ფორმა, რომელშიაც, ამა თუ იმ კაცს აქვს ჩამოსხმული თვისი რელიგიური გრძნობა; უკეთ, — ის ატმოსფერა, რომელშიაც სცხოვრობს, და ვითარდება მარცვალი კავშირისა და ურთიერთობისა ღმერთთან. ერთში, თანახმად მისი რელიგიის ვითარებისა, რელიგიური გრძნობა გამოცხადდება მკვლევლობაში, მსხვერპლის შეწირვაში ღვთაების პატივსაცემად რომელიმე არსებისა — კაცისა ან პირუტყვისა; მეორე რელიგიურ გრძნობას აცხადებს თავის საკუთარი ქენჯნით; მესამე — ცხოველი სიყვარულით ყველა სულდგმულის მიმართ, ყველა ქმნილების მიმართ და სიყვარულის სამსახურით ღვთისა მიმართ სულითა და ქეშმარიტებითა. ძალა, სიმაღლე და სიღრმე რელიგიური გრძნობისა ყველას ერთნაირი აქვს და ერთის ღირსებისა, მაგრამ განცხადება მათი სხვა და სხვა ნაირია და სხვა და სხვა ღირსებისა. ამიტომ დიდად შემცდარია ის აზრი, რომელსაც მიაჩნია, რომ ამა თუ იმ რელიგიის აღიარება მითომ განურჩევლად ერთი და იგივე იყვეს, რადგანაც ყველა რელიგიებს საგნათ აქვს ღმერთი, მოუწოდონ კაცს მისდა მსახურებად, სკდილობენ აღამაღლონ კაცი ღვთაებისადმი.

ჩვენ ყველას, შეიძლება, ბლომად გვქონდეს სიკოცხლის ენერგია; ეს ყველა ჩვენთვის ერთნაირად სასარგებლოა; მაგრამ გამოცხა-

ლება ამ ენერჯისა ამა თუ იმ ფორმაში—ეს სრულებითაც არ არის ერთი და იგივე.

სოფლის უბრალო უსწავლელი ექიმიც, ფერშალიც, ნასწავლი მკურნალიც, შესანიშნავი მნათობიც მედიცინისა—ყველა ესენი სწამლობენ ავადმყოფს, ყველა ერთნაირად არის გამხმრებული საქმებურ სურვილით, რომ უშველოს პაციენტს, წამოაყენოს იგი ფეხზე, მისცეს ძალა, განამტკიცოს მისი ჯანმრთელობა; მაგრამ ღიდ განსხვავებას ვაძლევთ მათ, ჩვენ ვამჯობინებთ ბოტკინსა და ზახარის ბობროვს და ზახაროვს, ვოცნებობთ სოფლის უსწავლელი ექიმი შევევალათ უბრალო ფერშალზე მაინც, თუ ნასწავლ ექიმზე არა. ოთახში ღიდი ხნის ყოფნის შენდგე, ფანჯარას ვაღებთ და ჰაერს ვწმინდავთ. სეირნობის დროს, ჩვენ არა ვკმაყოფილდებით ქუჩის ჰაერით, ამას ჩვენ ვამჯობინებთ ბაღებს, ან ქაღებს და მიწებებს ქალაქ გარეთ. ბოლოს, სააგარაკოთ, ზაფხულში დასასვენებლად, ჯანის გასამაგრებლად ჩვენთვის არ არის საქმარისი ქალაქის და მის გარეთ ქაღები; ჩვენ ვეძებთ უფრო სუფთა ჰაერს, მივდივართ სოფლის მიწებების სივრცეზე, ზღვის ნაპირებზე, ავღივართ მთის წვეროებზე. ეგვევუნდა ითქვას რელიგიანად. სხვა და სხვა რელიგიები გარე-მოიცვამენ ავადმყოფ კაცობრიობას სხვა და სხვა სულიერი ატმოსფერით, ხალხის ცხოვრების შეხშობილ და გაფუჭებულ ჰაერში შეაქვთ ახალი სუფთა ჰაერი სხვა და სხვანაირი სიწმინდისა, აძლევენ თავის მიმდევართ სხვა და სხვა მსოფლმხედველობას. ექვი არ არის, რომ ყოველ რელიგიიაში, რაც უნდა ტლიანქი იყვეს იგი, ყოველთვის არის მარცვალი ღვთის სიმართლისა, ნამცეცი უმაღლესი არა ქვეყნიური ქეშმარიტებისა; მაგრამ ექვი არ არის აგრეთვე იმაშიაც, რომ თუ კაცს ანუ კაცობრიობას უნდა იპოვნოს სრული ქეშმარიტება, უნდა იქონიოს უსათუოდ სწორე შეხედულობა მთელი ქვეყნის და კაცობრიობის ცხოვრებაზე, მაშინ მან უნდა მიმართოს ქრისტიანულ რელიგიას, შთაიბეჭდოს თავის გულში ყოველად სრული სახე ღმერთ-კიცისა

ეზიაროს ქრისტეს, გარდაჰქმნას იგი თავის ხორცად და სისხლად; არა კმარა მხოლოდ გონებით გაგება და შეთვისება, არამედ საქირაა შეისისხლხორცოს იგი, სცხოვრობდეს და სუნთქავდეს იმითი, როგორც ჰაერით.

სახარება ცხადად და გარკვეულათ ამ ბოძს:

„სასუფეველი ცათა ემზავება ჰურის ცომსა, რომელიც დედაკაცმა აიღო და ჩასდო ფქვილის სამ საწყაოში, მანამ მთლად არ გაფუვდა, მაშასადამე, ქრისტე მაცხოვრის სიტყვა, სახარების მოძღვრება არის არა მხოლოდ საგანი სარწმუნოების შესწავლისა, არამედ ცხოვრების საფუძვლიანი დასაბამი, არის „გასაფუვებელი“, ურომლისოთაც კაცობრიობას არ შეუძლიან აწევა, როგორც ცომს უსაფუვროთ. შეხედულობა ქრისტე მაცხოვრის მოძღვრებაზე, როგორც განყენებულ სარწმუნოებრივ სწავლაზე, ან ხელმძღვანელობაზე გარეგნულ ცხოვრების დისციპლინის შემუშავებისა არის შეხედულობა ვიწრო, ცალმხრივი, არა სრული.

მარტო წიგნში შესწავლა სარწმუნოებისა არ არის საკმარისი. საქირაა კაცი გაიმსკვალოს ქრისტეს მოძღვრებით, მიხვდეს მის ღრმა აზრს და გაატაროს იგი ცხოვრებაში. ამას არ სჩადის ნემცების აკადემიური საღვთისმეტყველო მეცნიერება, რომლის გავლენაც, სამწუხაროდ, ცოტათი თუ ბევრად, თითქოს ეტყობა ჩვენ ნასწავლ ღვთისმეტყველებსაც. იგი მეცნიერება ბევრ ტრაქტატებსა სწერს სახარებაზე, საზოგადოდ საღმრთო წერილზე, ხოლო მისი თვით საიდუმლო ცხოვრების აზრი ხელუხლებელი რჩება. ამიტომ არის, რომ მეცნიერული მსჯელობა თავის თავად რჩება, ცხოვრება-კი თავის-თავად მიდის. არავითარი გავლენა. წიგნის სიტყვას ძალა არა აქვს.

გამოდის რომ ადამიანები სხედან ავადმყოფის ლოგინთან დაბზულ ჰაერში. ავადმყოფს სუნთქვა უჭირდება, იმას სჭირია სუფთა ჰაერი; ისინი-კი, იმის მაგივრად რომ ოთახში სუფთა ჰაერი შემოუშვან, ეძლევიან განყენებულ მსჯელობას ჰაერის შედგენილებაზე, მეცნიერულად ჰმარტავენ, თუ რა არის

კისლოროდი და რა არის აზოტი. ისინი ცხოველ ბუნებას ჰქმნიან გამხმარ მცენარეთა შეკრებილებად, და მაშვრალ კაცობრიობას, რომელსაც სული უგუბდება დახშულ ჰაერში, ნაცვლად ცოცხალი ყვავილებისა მარგებელი მკავბადით, აძლევენ მხოლოდ ბოტანიკის წიგნს.

სიტყვა ჰეშმარიტი რელიგიოზობისა უნდა იყვეს დამარწმუნებელი არა მხოლოდ გონებისა. იგი ყველაზე პირველად და მომეტებულად უნდა მოქმედებდეს გულზე, გავლენა ჰქონდეს ნებაზე, ცხოვრებაში გადიოდეს.

მეორე ცალმხრივი შეხედულობა რელიგიაზე არის ის, რომელიც უცქერის მას, როგორც ცხოვრების საფუძვლის ძალას, მაგრამ მის მოქმედებას სთვლის უმთავრეს გარეგნულად. ასეთია შეხედულება რელიგიაზე საშუალო საუკუნოების პაპებისა—რელიგია დიდი ინკვიზიტორისა. აქ რელიგია გარდაიქმნება გარეგნულ დისციპლინად.

ცხოვრებაში უნდა იყვეს დისციპლინა, და ქრისტე მაცხოვარმა მისცა ხალხს უმაღლესი დისციპლინა, მაგრამ ეს დისციპლინა არის სრულიად შინაგანი. იგია დაფუძნებული სასიყვარულო და თავისუფალ დამორჩილებაზე კაცის-მიერ თავის ნებისა უმაღლეს სიმართლის წინაშე. გარეგნულ ძალის დატანებას აქ ადგილი არა აქვს. პავლე მოციქული ამბობს, რომ კანონი (ე. ი. გარეგნული ძალის დატანება) არ არის დადებული მართლისათვის (ტიმოთ. 1, 9), რადგანაც მართალი კაცი თითონვე თავის თავისთვის კანონია, თითონვე აქვს ზნეობრივი მისაყრდნობი.

გამოცანა რელიგიისა იმაში მდგომარეობს, რომ მისცეს ხალხს ეს მისაყრდნობი, აღზარდოს მათში ზნეობრივი პირნათლობა, მისცეს მათ შინაგანი დისციპლინა. გამოცანა ჰეშმარიტის რელიგიისა არის ახსნა უმაღლესი იდეალის სიდიადისა და მისდამი დამორჩილება მთლად ადამიანისა, ცხოვრების ყველა სფერებისა.

მღვდ. ი. ლუკიანოვი.

ნიბუჟა,

თქმული დეკანოზის მ. ცაგარეიშვალის მიერ, ეპარქიალურ სასწავლებლის ტაძარში მასწავლებელ მელიტონ ჩოგავაძის ცხედრის წინ.

კთილსა იქმოდე და მოილო ქება მისგან (რომაელ. 13, 3).

საყვარელნო მეგობარნო! უბედურმა და მოულოდნელმა შემთხვევამ შეგვკრიბა ჩვენ ყველანი ამ წმინდა ადგილს. არ არის ქუთაისში ადამიანი, რომელიც არ გრძობდეს მიიმე მწუხარებას მხედველი ამა კუბოსა და მასშინა მდებარე მიცვალებულისა. ადამიანი მოწიფული, ჯერ კიდევ ჯან-ღონითა და სიცოცხლით სავსე, რომელიც გუშინ ჩვენ შორის მოძრაობდა და მოქმედებდა ულმობელმა სიკვდილმა დღეს გულიდგან მოგვწყვიტა და უგრძობელათ განისვენებს ამ კუბოში. დიდი დასაკლისია ეს ჩვენთვის, ჩვენი ქვეყანა და საზოგადოება ისეც მეტათ ღარიბნი ვართ ასეთ ნასწავლ პირებით და ისეთნი პირნი, რომელნიც იყვნენ შემკულნი ისეთი ძვირფასი თვისებით, როგორიც იყო განსვენებული, თითქმის იშვიათნი არიან. სწორეთ ამ მაღალმა მისმა ღირსებამ გიმოიწვია ამდენ საზოგადოების თანაგრძობა და სიყვარული მისდამი.

ვინ იყო განსვენებული მელიტონი? ის იყო ღარიბი ოჯახის შვილი, მხოლოდ შრომამ და ნიქმა მისცა მას შეძლება წარმატებით გაეგლო დაბალი და საშვალე შკოლა და დემთავრებია სასულიერო აკადემია. სწავლის დამთავრების შემდეგ ის ბრუნდება თავის სამშობლოში და ხელს კიდებს მუშაობას. ხელობათ აილო მასწავლებლობა და ამ თანამდებობით ის ემსახურებოდა ოჯახს, შკოლას და საზოგადოებას. ოჯახში მის ყავდა მოხუცი დედა, დები და ძმები, ყოველი თვისი საშვალეება მან მოახმარა ამათ პატრონობას. ძმას ზდია და შკოლაში და მაღალ სასწავლებლის უკანასკნელ კურსამდის მიიყვანა, შენატროდა მის კურსის დასრულებას, მაგრამ ეს ნატურა მას ჩაყვა სამარეში. მელიტონი როგორც პედაგოგი თანდა-თანობას მიყვებოდა. ის დიდი

სასარგებლო იყო თავის სოფლისა და სოფლებებისათვის, მან ეცადა გაკეთებულიყო იმის სოფლის გზა, გაათავისუფლა თავისი სოფლებები უკანონო გარდასახილდგან, დაუარსა შკოლა მათ და ყოველ წამს მზათ იყო ხელი შეეწყო გლეხებისთვის.

ასეთივე ნაყოფიერი იყო მისი შრომა შკოლაშიაც. მასწავლებლობა მან იწყო სასულიერო სემინარიაში, სადაც ის ასწავლიდა ქართულ ენას, მხოლოდ მის დახურვის შემდეგ ის დარჩა უადგილოთ და მიწვეულ იქმნა ამავე საგნის მასწავლებლათ სასულიერო სასწავლებელში და საქალბო ეპარქიალურ სასწავლებელში. უკანასკნელ ხანში ის იყო მიწვეული ქართულის მასწავლებლათ სავაჟო გიმნაზიაში და ინსპექტორათ სავარქიო სასწავლებელში. ამ სასწავლებელში ნაცვლათ ქართული ენისა ის ასწავლიდა პედაგოგიკას, ლოდიკას და პსიხოლოგიას. როგორც ხედავთ ძლიერ პასუხის საგები თანამდებობები ქონდა განსვენებულს ჩაბარებული და ღირსეულათაც ასრულებდა ის მათ. მოგეხსენებათ რა ძნელია უფროსობა, განსაკუთრებით ახლანდელ დროში, მაგრამ განსვენებული, დაჯილდოებული იშვიათის თვისებებით, კარგათ უძღვებოდა მას, თუმცა ამ შრომისთვის ის ძლიერ მცირე სასყიდელს იღებდა, 150 მ. წელიწადში. მას დიდი შრომა მიუძღვის ამ სასწავლებელში ორ მაღალ კლასის დაარსებაში და შენობის გაფართოებაში.

მან ორი თვეა რაც ავთამყოფობა იწყო. ყველა ურჩევდა რომ დაესვენებია, მაგრამ ურჩევი დასვენებას, ავთამყოფობაშიაც არ ისვენებს, ეშინოდა უმისოთ რომ საქმე შეფერხებულიყო და ავთამყოფი სამსახურს არ შორდებოდა, მან ფეხზედ სამსახურში დალია სული. აი თავდადებული მუშაკი!

როგორც მასწავლებელი ის იყო ფრიად განვითარებული და გამოცდილი. გარდა ქართული ენისა და ისტორიისა, რომელნიც მას ქონდა ზედ-მიწვევით შესწავლული, ის საკმაოდ განვითარებული იყო მრავალ სხვა საგნებშიაც. არ არის შკოლა ქუთაისში, სადაც განსვენებული არ ყოფილიყოს მასწავლებლათ

სხვადასხვა საგნებისა. სწავლების დროს ის იზიდავდა შეგირდების გულს ცოცხალ და შეგნებულ სწავლებით და შეგირდებსაც სთხოვდა, რომ მათ ქონოდათ განვითარება და ნამდვილი ცოდნა და შეგნება საგნისა. ის არ გავდა იმ მასწავლებელთ, რომელთაც თავისი საგანი აქვთ მოთავსებული ვიწრო ფარგალში და მასში ტრიალობენ ციბრუტივით, ამათ ის ჩონჩხის მასწავლებლათ უწოდებდა. ის იყო ხორცის შემსხმელი და სულის ჩამდგმელი საგნისა, მის ხელში თქვენ ჯოხს ვერ დაინახავდით, მისი ყავარჯენი და კვერთხი იყო წიგნი, ხელში ის ატარებდა ახალ-ახალ წიგნებს და თვალ-ყურის მგდებელი თანამედროვე ცხოვრებისა და მეცნიერების, ახალ-ახალ ცოდნით შედიოდა კლასში და ახლისებდა მით შეგირდებს.

არა ნაკლებ ამისა შრომობდა ის საზოგადოებისთვის, ყოველს დაწესებულებაში ის იღებდა მხურვალე მონაწილეობას, მუშაობდა ქართულ ჟურნალ-გაზეთებში, მაგრამ ეს იცოდა მხოლოდ რაოდენიმე მისმა მახლობელ მეგობრებმა. აი წყნარი მუშაკი!

მელიტონი იყო შემკული შინაგან თვისებებითაც. ის იყო მეტათ გულ-კეთილი, პირდაპირი, გულწრფელი, უბრალო და თავდაბალი, მუდამ ერთი და არა ორი, ერთ სკამზედ და არა ორ სკამზედ მჯდომი, შეურყეველ მიმართულების, რწმენის და სარწმუნოების მექონი; არ უყვარდა კარ-ჩაკეტილობა, სულ მუშაობაში გაკრული, მოძებნიდა ცოტა დროს რომ ნაცნობებში გაჩენილიყო, მუდამ მზათ იყო სხვისთვის თავი გაეცნო და სხვებიც თვითონ გაეცნო, რასაც ამტკიცებს ამდენი აქ შეყრილი საზოგადოება. ის იყო ნამდვილი ქართველიც. მას უყვარდა სტუმრის მიპატივება და პატივის ცემა, ვინ არ დამტკბარა მის პურ-ღვინით მის ოჯახში, ბანოჯაში, მაგრამ აქ შევეჩერდები. დაე, მისი ძვირფასი თვისებანი უფრო მტკიცეთ აღიბეჭდოს მსხვილი ასოებით მის პატივსმცემელთა გულში. მიბოძე ძვირფასო მეგობარო და შეუდარებელი თანამშრომელი მოგმართო პირადათ. მაპატიე, მე ჩემი სუსტი სიტყვით დავა-

მახინჯე შენი ძვირფასი თვისებანი, მაგრამ არის ამის მიზეზი. დარწმუნდი ჩემმ გრძნობამ წაასწრო ჩემს სიტყვებს; მეც, როგორც სხვები, დიდათ დაღონებული ვარ შენი დაკარგვით; შენში ჩვენ დავკარგეთ საუკეთესო წევრი ოჯახისა, შკოლისა და საზოგადოების, ძვირფასი და დაუფასებელი ძმა და შეგობარი. ობლათ ვთვლი თავს და სასწავლებელს დაცარიელებულს უშენოთ, მაგრამ ერთი უნდა გვექონდეს ყველას სანუგეშოთ: უფალმა ამ მოკლე ხანში შენ მოგახვეჭია დიდი სიკეთე და საუნჯე, მიგადებია სიყვარული და პატივისცემა ამ ურიცხვ საზოგადოებისა, ეს არის მტკიცე საბუთი შენი უკვდავებისა, ამისთანა სიკვდილი სასახელოა, უფალმან გამუშავა უხვად და დღეს მოგანიჭა განსვენება. „განგებასა ვერ ვინ შეცვლის, არ საქმნელი არ იქნების“, ამბობს პოეტი. ამით უნდა ინუგეშოს რაოდენიმეთ მაინც თავი შენმა დედამ, დებმა და ძმებმაც და დანარჩენში მათი ნუგეში იქნება ის, ვისთვისაც ყოველივე შეუძლებელიც შესაძლებელია. მშვიდობით უანგარო მღუშაკო, იყავი ნათელი ამ ქვეყნათ, უფალმა ნაცვლიათ საიქიოს მოგანიჭოს ნათელი და ნეტარება და სანატრელსა შინა დაძინებასა საუკუნო განსვენება.

დეკ. მ. ცაგარელი.

როგორც გამოირკვა და ეპისკოპოს კირიონს ამის საბუთებიცა აქვს, კირიონის წინააღმდეგ უმოქმედნია დეკანოზ ვოსტორგოვის. ეპისკოპოსმა უკვე მიმართა პეტერბურგის ოლქის სასამართლოს პროკურორს, სამართალში მიეცეს დეკანოზი ვოსტორგოვი ცილის წამებისათვისო.

უკანასკნელ დროს სინოდი, ცოტა არ იყოს, მოწყალების თვლით უყურებს კირიონს. კავკასიის ნამესტნიკის გრაფ ვორონცოვ დაშკოვის სამართლიანმა მოხსენებამ გამოაშკარავა, რომ კირიონი უბრალოა და უსამართლოდ იტანჯებოდა.

ებლა კირიონს წირვა-ლოცვის ასასრულებლადაც კი იწვევენ. მაგალითად 24 იანვარს მონაწილეობა მიიღო პეტერბურგის სამიტროპოლიტოს ქორ-ეპისკოპოსის ვენიამინის კურთხევაში.

ხმა დადის, ეპისკოპოს კირიონს მოკლე ხანში კათედრას მისცემნო.

ვოსტორგოვის წინააღმდეგ აღძრულ საჩივარსაც მსვლელობა მიეცა. ვეჭილებად კირიონს მოწვეული ჰყავს სახელმწიფო საათბიროს წევრი მაკლაკოვი და სხვა გამოჩენილი იურისტები. ეპისკოპოსმა კირიონმა სასამართლოს მოხელეებს განუცხადა, ვოსტორგოვის დასჯა კი არ მინდა, არამედ სიმართლის აღდგენაო.

გაზ. „დროება“.

ეპისკ. კირიონი და ვოსტორგოვი.

„რანნეე უტრო“-ში დაბეჭდილია:

„ეს ორი თვეა, რაც პეტერბურგში სცხოვრობს ეპისკოპოსი კირიონი. ეპისკოპოსი კირიონი საქართველოს ეკლესიის ავტოკეფალიის ერთი უკეთესი დამცველთაგანია. ზოგიერთ პირების ცილის წამების გმომ ეპისკოპოს კირიონს კათედრა და პენსია წაართვეს და ტამბოვის გუბერნიის ერთ მიყრუებულ მონასტერში გაჰგზავნეს.“

31 იანვარს უდროვით გარდაიცვალა ქუთაისის სავარქიო საქალეზო სასწავლებლის ინსპექტორი მელიტონ იესეს ძე ჩოგავაძე. განსვენებული თურმე ერთი თვე ავით იყო და სამსახური არ დაუგდია. მელიტონ ჩოგავაძე ჯერ კიდევ ახალგაზდა კაცი იყო და ბევრ იმედებს იძლეოდა. რა იყო იგი ჩვენი საქალეზო სასწავლებლისათვის, ყველამ კარგად იცის.



მან დაარსა მეშვიდე და მერვე კლასები სასწავლებელში და გაადიდა სასწავლებლის შენობა. განსვენებული არ იყო უზრუნველყოფილი ჯამაგირით საქალბო სასწავლებლიგდან და ამიტომ იძულებული იყო გარეშე სამსახური ეტვირთნა. იგი ქართულ ენის გამოცდილი მასწავლებელი იყო, რაც დღეს ჩვენში იშვიათ მოვლენას შეადგენს, და ასწავლიდა ამ საგანს შესაფერი გულმოდგინებით სასულიერო სასწავლებელში და კლასიკურ გიმნაზიის უფროს კლასებში.

სამღვდელოების ავ. კარგი.

(დასასრული).

წერილი მესამე.

სამოციანი წლები XIX საუკუნისა ცნობილია ჩვენს ისტორიაში ლიბერალურ ხანად, რომელსაც სათავეში უდგენ ჩვენში კარგად ცნობილი საზოგადო მოღვაწენი. მათ შორის პირველი ადგილი ეკუთვნის ჩვენ დიდებულ მღვდელმთავარს, ნეტარ ხსენებულ გაბრიელს, რომლის მქუხარე ქადაგებამ და მართლ-მკვეთებლობამ იმერეთის სამწყსო გამოაცოცხლა და განახლების გზაზე დააყენა. ამ მხრით ფრიად დიდია გაბრიელის ღვაწლი და მას ღირსეულადაც დააფასებს მომავალი ისტორიკოსი. ჩვენს სუსტ კალამს კი არ ძალუძს საფეხებით გაარკვიოს მისი დიდებული გავლენა მაშინდელ ცხოვრებაზე. მხოლოდ არ შეგვიძლია გაკვირით მაინც არ შევვებით მის მოღვაწეობას და არ აღვნიშნოთ ამ მოღვაწეობის ცხოველყოფილობა ერსა და სამღვდელოებაზე.

ბატონყმობის დამსხვრევა რუსეთში და გაბრიელის შემოსვლა იმერეთში ერთსა და იმავე დროს მოხდა, ასე რომ როცა ამ შესანიშნავი აქტის გავლენაზე ვლაპარაკობთ ჩვენში, მაშინ გაბრიელის გავლენაც უნდა მოვიხსენიოთ უეჭველად. ერთის სიკეთე მეორის სიკეთესაც გულისხმობს. მოიშალა ბატონ-ყმობა და ყველაფერს სიკოცხლის ნიშნები დაეტყო. საზოგადოება აღფრთოვანდა და ბრწყინვალე

მომავალზე ოცნებობდა. ყველას თვალწინ ეხატებოდა უკეთესი ცხოვრება, მაგრამ იგი არსად იყო. იმედი იმედათ დარჩა და იხნაური, გლეხი და მღვდელიც მოტყუებული შეიქნა. ამის მიზეზი ის იყო, რომ არც ერთს არაფერი ჰკითხეს, თუ რა უჯობდათ და როგორ უნდა მოეწყოთ თავის ცხოვრება. ბატონ-ყმობის მოშლა მთავრობამ დაიწყო თავის მეთაურობით, მან შეასრულა და მანვე მოაწყო თავის გემოზე, აქ ხალხს ცოტა რამ ჰკითხეს, მხოლოდ იმედი ჩაუსახეს გულში და ისევ მალე ამოსდეს ლაგამი, რომ ერთბაშად თავში არ გაეწია. სადავე ისევ მთავრობას ეჭირა მაგრად ხელში. ეს ერთგვარი მაშინდელი პოლიტიკა იყო. მაგრამ რაც უნდა ყოფილიყო, მისი სიკეთე ექვს გარეშეა; მისი ნაპერწყმები სამღვდელოების ცხოვრებასაც მოხვდა და იგიც გამოფხიზლდა, ან უკეთ რომ ვსთქვათ გამოფხიზლეს და ეს გამოფხიზლება ისევ მთავრობამ იკისრა. ამ ხანებში ჩვენ ვხედავთ, რომ მთავრობა ზრუნავს გადატაკებულ სამღვდელოების ნიეთიერ მდგომარეობის გაუმჯობესებაზე და სასულიერო წოდების განათლებაზე. ერთიცა და მეორეც გულსაკლავ მდგომარეობაში იყო მანამდი და ვის არ აუტოკებდა გულს?! მაშინდელი მღვდლების უეცობა დღეს ზღაპრად მოეჩვენება კაცს. ყველამ ვიცით, რომ იმ დროის მღვდლები ნახევარზე მეტი სრულიად უცოდინარი იყო: არც წერა-კითხვა იცოდენ და არც სამღვთო მსახურების გაეგებოდათ რაიმე; ზოგმა კითხვა იცოდა, ხოლო წერა კი არა. ზოგიერთს მარტო თავის სახელისა და გვარის მოწერა ძლივს ეხერხებოდა. თუ ასეთი იყო მღვდელი, ადვილი წარმოსადგენია, რა იქნებოდა მედავითნე?! მაგრამ სად იყო იგი? უმეტეს შემთხვევაში, როგორც წინა წერილში აღვნიშნეთ, მედავითნის ხსენებაც არ იყო ბევრ სამრევლოში და მღვდელი მარტო წირავდა. ამ გვარი სამღვდელოება, რა თქმა უნდა, ვერაფერ ხერხს მოუტანდა ხალხს და არც მთავრობისათვის იყო გამოსადეგი. რუსეთის მთავრობას შემოსვლიდანვე თავისი მიზნები ჰქონდა და აქვს და ამ მიზნების ასრულებას ხელს უშლიდა

უცოდინარი სამღვდლოება და დიდი ხნით აბრკოლებდა „რუსული საქმის“ ფეხის მოკიდებას და წელში გამართვას. მისთვის აუცილებლად საჭირო იყო მის გემოზე გაწვრთნილი, რუსულად გაბრძნობილი სამღვდლოება, რათა მისი მეოხებით უფრო ადვილად გაეცრცელებინა ჩვენში თავისი გავლენა. ამისათვის სასულიერო წოდების შვილების განათლებაზე ზრუნვას მთავრობა ცოტა ადრე შეუდგა. ამ მიზნით პირველად ქუთაისში და თფილისში დაარსა სასულიერო სასწავლებლები, უკანასკნელში სემინარიაც, ხოლო შემდეგ ამ გვარი სასწავლებლები დაარსდნ სხვაგანაც.

საყურადღებოა, რომ ამ სასწავლებლებმა პირველად სამღვდლოების გული ვერ მიიზიდა. არ ვიცი სიღარიბე უშლიდა ხელს და არ ვიცი სხვა რამ საფრთხეს ხედავდა ქართველის ჯერ კიდევ შეუშფიკვლევი გული და სული. იგი ისევ ძველებურად მონასტრებში ეძებდა საჭირო სწავლას. ამიტომ საჭირო შეიქნა მიემართა მთავრობას სხვა და სხვა ზომებისათვის, რათა მოწაფეები მიეზიდა ახლად დაარსებულ სასწავლებლებში. უტყუარი ფაქტია, რომპირდაპირ უბძანებდნ სამღვდლოების შვილების გამოზღას სასწავლებლებში. ხან და ხან აიძულებდნ კიდევ სასჯელის შიშით. თუ კი მივიდოდა ვინმე, უარს არავინ ეტყოდა. ყველასათვის ღია იყო სასწავლებლის კარები, რაც უნდა წლოვანი ყოფილიყო. წერა კითხვის ცოდნას ახლანდელივით ხომ სულ არავინ თხოვდა. ხშირად შესანახავ ხარჯისაგანაც სათვისტოვებდნ მშობლებს, ხოლო სწავლის შემდეგ საპატიო ადგილებს იძლეოდნ და სამსახურში აწინაურებდნ. ამან იმოქმედა სამღვდლოებაზე იგი წახალისდა და დაეწაფა სწავლას მისი გემო ეტკბილა, მაგრამ ამ სიტუბოებაში ძირმწარეც ერია, ხოლო იგი ამას ვერ ხედავდა. მაშინ არავინ იყო მოქმედი: „მაგ ეკალში ნუ ვარდები, ნუ გგონია მანდ ია და ვარდები“ ო.

და აი, როცა მთავრობამ დაინახა, რომ ზერხმა გასჭრა, სამღვდლოებამ იგემა სწავლის ფასი, მან ოსტატურად უკან დაიხია სასწავლებლების შენახვა სანღვდლოებას მოახვია

თავზე. უფროსობა და სარგებლობა კი თვითონ დაიტოვა და ბძანებლობა დაიწყო. სამღვდლოებას უბძანებს, რომ სასწავლებელი შენი ხარჯით შეინახე, ხოლო ჩვენ სწავლებას არ დაგამადლით და „კაცად გამოგიყვანთ“. მაგრამ რა სასწავლებლის შენახვა შეეძლო გადატაკებულ სამღვდლოებას? როგორც წინა წერილშიდაც აღვნიშნეთ და ზევითაც მოგახსენებთ, სამღვდლოებას სულს ძლივს იბრუნებდა თავის შრომით და სასწავლებლეს რითლა შეინახავდა!? აქ ისევ მთავრობა ჩაერია საქმეში და მოინდომა, რომ სამღვდლოება უზრუნველ ეყო ნივთიერად და ამით გაღონიერებულ სამღვდლოებისათვის შეეწერა სასწავლებლის ხარჯები. ამ მიზნისათვის დაარსდა კომისია, რომელსაც მიენდო მინგრეულ-მონგრეული სამრევლოებისა და ეკლესიების ცნობაში მოყვანა. კომისიაში იყვნენ ტფილისის სიონის კათედრის მღვდელი გრიგოლ ცამცივეი და ქუთაისის კათედრის დეკანოზი გიორგი გამრეკლოვი, რომელთაც შემოიარეს მთელი იმერეთის ეპარქია 1859 წელს (სხვა ეპარქიების აწერა როდის მოხდა და ან ვინ იყვენ კომისიაში, ჩვენ არ ვიცით), ასწერეს სამრევლოები და ეკლესიები და აღნიშნეს მათზე არსებული კრებულნი. ერთსაცა და მეორესაც ჩამოერთვათ მთავრობის სახელით ხელშეკრულებანი. სამრევლოებს ამით ევალებოდათ თავისი მღვდელ-ღიაკენის რჩენა შენახვა, ხოლო სამღვდლოებას თვისი მოვალეობის პირნათლად აღსრულება, სხვა და სხვა საბუთების და წიგნების წარმოება „გარდუხლომელად ფორმისა“, თავის დროზე მათი წარდგენა მთავრობისათვის „შიშსა ქვეშე მკაცრისა გარდახდევინებისა კანონთამებრ დაუდევნელობისათვის“. ამასთანავე კრებული უნდა ყოფილიყო „ყოვლითურთ განკრძალულ და კეთილის მაგალითის მაჩვენებელ მრევლთა“. ხოლო სამრევლოების მიცემულ ხელ შეკრულებაში ვკითხულობთ: „ჩვენ თვითვეულად კომლმან უსათუოდ უნდა ვაძლიოთ სამღვდლო მსახურთ ხორავათ: სამი ბათმანი სიმინდი, ერთი ბათმანი ღომი ანუ პური (რომელიც მოიხერხოს) საზოგადო სოფლის ბათმინთ,

ერთი ჩაფი შუმი ტკბილი ანუ ღვინო საზოგადო სოფლის ჩაფით; ერთი ურემი შეშა, ათი კონა ჩალა, თითო კარგი ქათამი, ერთი ოცა მარილი და ერთი ოცა ლობიო. ხოლო ფულად: მიცვალეულზე შეძლებულმა ერთი თუმანი (საორმოცო კიდევ სხვა იყო), საშუალომ ექვსი მანეთი და ღარიბმა ოთხი მანეთი; ჯვარსაწერად შეძლებულმა სამი მანეთი, საშუალომ ორი, ხოლო ღარიბმა ერთი მანეთი. ამას გარდა ზოგ სხვა მღვდელ მოქმედებისათვისაც იყო დაწესებული განსაზღვრული ნიხრი, ხოლო ზოგი წესისათვის საკუთარი სურვილისამებრ, თავისი ნამუსით და სინდისით, რაც ენებებოდა, იმას მისცემდა. ამას გარდა სამრევლოებს ჩამოართვეს პირობა, რომ ეზრუნათ ეკლესიების გამწვენებისათვის შესამოსლითა და დაეწესებიათ კეთილ საიმედო პირნი სტაროსტებად „დაცვისათვის ყოვლისა ეკლესიისა საკუთრებისა და სისუფთავისათვის შიგნით და გარეთ“. ეს ხელშეკრულებანი წარედგინა უმაღლეს მთავრობას და დამტკიცებულ იქმნა. ამ ნაირად გაჩნდა ჩვენში ესრედ წოდებული შტატების წყობილება და ებძანა, ორივე მხარეს მტკიცედ დაეცვათ პირობები, ხოლო ძველი ჩვეულება მოეშალათ. აი ასეთი წესი იყო სამღვდლოების რჩენისა იმერეთში მესამოცე წლებში და, ერთი შეხედვით, ხედვით, გვარიანი შემოსავალი იყო. მაგრამ თუ სახეში მივიღებთ მაშინდელ ხორაგეულობის ფასობას და იმ დავიდარობას, რაც თან დევდა ამ შემოსავლის აკრებას, მაშინ დავრწმუნდებით, რომ „ჩიტი ბღღენად“ არ აღირდა. იმ დროს ჩვენში ნამუშევარი თავზე საყრელი იყო და ღვინო ხელსაზანად. დღესაც ბევრია იმის მომსწრე, რომ მაშინ საპანე ღვინო (12 ჩაფი) ორი მანეთის მეტი არა აღირდა და ისიც იმისთან ღვინოა, რომ მოლს მოსწავდა. ამ გვარ პირობებში, რასაკვირველია, მღვდლის რჩენაც არ იქნებოდა გასაკირი, მაგრამ უბედურება ამ ხორაგის მოგროვება იყო. მუდამ შფოთი, მუდამ უსიამოვნება ამ ნიადაგზე გამოუღვრელი იყო მღვდელსა და მრევლს შუა. მღვდელი და ერი ერთი მეორეს გადაეკიდენ

და რომ ისევ მთავრობა არ ჩარეოდა საქმეში, განხეთქილება უფრო გაღრმავდებოდა, ვიდრე დღეს არის მათ შორის. ამ წესით სამღვდლოების რჩენის მოშლას ხელი შეუწყო იმ ხანად ჩვენში კაპიტალიზმის გაჩენამ, რომელიც ბატონყმობის გადავარდნისთანავე შემოიპარა ჩვენში. ცხოვრება თანდათან გაძვირდა და ყველაფერში საჭირო შეიქნა ფული და მხოლოდ ფული. ამისათვის მალე მღვდლის რჩენაც ფულზე გადაიტანეს. 1873 წელში გამოდის ახალი განკარგულება, რომლის ძალით ხორაგის მაგიერად მღვდელს უნდა მისცემოდა დრამაში ორი მანეთი ფულად თითოეულს კომლზე. წესების ასრულებისათვის წინანდელი ნიხრი რჩებოდა თითქმის. ამ ორი მანეთის შემოღებას იმერეთში ხელი შეუწყო გაბრიელ ეპისკოპოზმა, რადგან მას კარგად ესმოდა მაშინდელი დროის ვითარება და სამღვდლოებისათვის საუნჯობესოდ მიაჩნდა ამ წესით სარგებლობა. დრამის შეკრება ისევ სოფლის მოხელეებს დაავალეს. აი აქედან იწყება სამღვდლოების დრამის „ორი მანეთი“ ისტორია და იგი ისე ცნობილია ყველასთვის, რომ მასზე ლაპარაკი თუმცა მეტად მიგვაჩნია დღეს, მაგრამ ორიოდ სიტყვა მაინც უნდა ვთქვათ.

წინადაც, როცა დრამა ხორაგით იყო, და შემდეგ, როცა განსაზღვრული ორი მანეთი დაწესდა, ყოველი კომლი ვალდებული იყო ეძლია კრებულისათვის, თავადი იქნებოდა იგი, თუ გლეხი. ხშირად თავად-აზნაური დაწესებულზე მეტსაც იხდიდა თავის ნებით მღვდლის სასარგებლოდ; აზნაურული სიამაყე ნებას არ აძლევდა გლეხების ტოლად ეხადა მღვდლის სარჩო. კრებულიც კმაყოფილი იყო ამით და თავად-აზნაურს მუდამ ემადლიერებოდა, მის წყენას გუნებაშიდაც კი არ გაივლებდა. დღეს გარემოება შეიცვალა. მეტი წილი სოფლის თავად-აზნაურობისა გალატაკდა. მამულები შემოებნა და თვითონაც ძლივს იბრუნებს სულს, რამდენი სიღარიბე შემოაწვა გულზე, იმდენად უფრო გაუკადრისდა და გლეხთან ერთად აღარ ინება მღვდლის რჩენა, დღეს იგი თითქმის არაფერს იხდის

მღვდლის სასარგებლოდ, თვინიერ წესების ასრულებისათვის. წინედ თუ გლებს ეჯიბრებოდა გულაუხვობაში, დღეს მაგიერად სიძუნწეში სჭარბობს მას და მას არც მთავრობა აქცევს ყურადღებას და არც თვითონ სამღვდლოება. იგი შეპყრობილია რადაცნაირი მოკრძალებით თავად-აზნაურობის წინაშე და ხმას არ იღებს მაშინ, როდესაც იმერეთში ზოგი სამრევლო თითქმის სანახევროდ თავდაზნაურობისაგან შესდგება. გლებებს ტყავს აძრობენ, ძალად ახდევინებენ დრამას, ამავე დროს თავად-აზნაური კი განზე სდგას და სვირს უყურებს, თითქოს იგი სხვა სარწმუნოებისა იყოს და მღვდლის რჩენა მას სრულიად არ შეეხებოდეს. აი ეს გარემოება საგულისხმოა სამღვდლოებისთვის და ამ საგანზე ხმა უნდა ამოიღოს მომავალ კრებაზე. ყველა ვართ იმის მოწმე, რომ ამ უთანასწორობამ ბევრგან სოფლებში დაბადა არეულობა განვლილ წლებში და მხოლოდ ამის მიზეზით ზოგან მღვდელს სრულიად მოუსპეს დრამის მიცემა გლებებმა. მათი მსჯელობა ამ შემთხვევაში სამართლიანი იყო, მაგრამ ვინ არის გამგონე? გლებებს თუ არ გაუგონეს და არ შეუსმინეს, სამღვდლოების ხმას უეკველად მიაქცევს მთავრობა ყურადღებას, თუ კი იგი საბუთიანად გაახსენებს მას ამ გარემოებას. მხოლოდ გაახსენებს, რადგან გადაწყვეტილება დიდი ხანია არსებობს იმის შესახებ, რომ სამღვდლოების შენახვაში სამრევლოების ყოველმა მცხოვრებმა უნდა მიიღოს მონაწილეობა, თუ კი იგი მართლმადიდებელ სარწმუნოებას ეკუთვნის, გლები იქნება იგი, თუ აზნაური, სულ ერთია.

ამასთანავე ისიც უნდა აღვნიშნოთ აქვე, რომ დრამის ფულად შემოდებას ხელი შეუწყოს იმ გარემოებამ, რომლის ძალით სამღვდლოებს ეკისრებოდა სასულიერო სასწავლებლების შენახვა. და რით შეენახა სასწავლებლები, თუ მის ხელში ფული არ იქმნებოდა, ან და მთავრობას არ ექნებოდა უტყუარი ცნობა ყოველი მღვდლის შემოსავალზე და ეს შემოსავალი საიმედო არ იქნებოდა. მართლაც დაინახეს მღვდლის ხელში ფული, თუ

არა, მაშინვე დაადგეს გადასახადი კომლზე 25 კ., რომელსაც ხმის ამოუღებლად იხდიდა სამღვდლოება ამ ბოლო წლებამდე, სანამ ზურგი არ შეაქცია სასულიერო სასწავლებელს. მაგრამ ამაზე შემდეგ.

Fanius

კვირიდან კვირობამდე.

ვოსტორგოვის წასვლის შემდეგ საეკლესიო საოლქო სკოლების მეთვალყურის თანამდებობას დროებით ასრულებდა ქართლ-კახეთის ეპარქიის სკოლების საეპარქიო მეთვალყურე პ. ი. ოდოვეი.—ეხლა კი უწმიდეს სინოდს საოლქო მეთვალყურედ დაუნიშნავს ვილნოს ეპარქიის სკოლების საეპარქიო მეთვალყურე მღვდელი პაშკევიჩი დეკანოზობის ხარისხზე აღყვანით. ეს მამა პაშკევიჩი, სხვათა შორის, ცნობილია მითი, რომ წელს ვილნოს ეპარქიის მთელმა სამღვდლოებამ აირჩია სახელმწიფო საბჭოს წევრად.

სასინოდო კანტორამ განკარგულება მოახდინა, თანახმად სინოდის ბრძანებისა, რომ საეკლესიო და სასულიერო სასწავლებელთა უფროსებმა თვალყური ადევნონ, რათა ამ სკოლების წიგნთსაცავებში არ იქმნას შეტანილი ტოლსტოის ახალი წიგნი—„სახარების ისტორია ბავშვთათვის მოთხრობილი“.

ქართლის—ეპარქიის იოანე ნათლისმცემლის მონასტრის წინამძღვრის ადგილზე, რომელიც თავისუფალია ამბროსი ხელაიას გადაყვანის შემდეგ, ინიშნება სმოლენსკის სემინარიის ინსპექტორი მღვდელ-მონაზონი ანტონი (ალექსი გიორგაძე).

განსვენებული მელიტონ ჩოგოვაძის ცხედრის წინ ოცდაათამდე სიტყვა წარმოითქვა სხვა და სხვი პირთაგან და სასწავლებელთა წარმომადგენელთაგან; ყველას პირიდან ერთი

და იგივე ისმოდა, რომ განსვენებული იყო პატიოსანი და გულწრწელი ადამიანი, თავდადებული და საგნის მკოდნე მასწავლებელი, დაუღალავი და ბეჯითი მუშაკი, შეუღარებელი და სწორუბოვარი ამხანაგი და უფროსი, ოჯახისა და თავის სამშობლო სოფლის თავდაუწყებელი მოსამსახურე და ამას ყველაფერს ამტკიცებდა არა მარტო გვირგვინები, რომლებსაც, სიტყვაზე ვსთქვათ, ფასი დაეკარგა ამ ბოლო დროს თავის უადგილო ხმარებისა გამო, არამედ ის ცრემლის ზღვაც, რომელიც უხვად აღტობდა განსვენებულის ცხედარს. აკაკის სიტყვით განსვენებული მელიტონ ჩოგვაძე იყო ერთი იმ საზოგადო მოღვაწეთაგანი, რომლებიც არ ეჩხირებიან ადამიანის თვალში, მაგრამ რომლებიც აკეთებენ საზოგადო საქმეს ჩუმათ, მაგრამ მკვიდრად და მეთოდურად.

განსვენებულის ცხედარს დიდძალი ხალხი გაჰყვა ქალაქის მიჯნამდის, საიდგანაც მიცვალებული გაასვენეს სოფლებებმა ს. ბანოჯაში. ცხედარს ქუთაისიდან სოფელ ბანოჯამდის გაჰყვნენ მიცვალებულის ახლო ნაცნობნი და მეგობარნი.

წერილი რედაქციის მიმართ.

ბ. რედაქტორო!

თქვენს გაზეთ „შინაურ საქმეები“-ს პირველ ნომერში ამა 1910 წლისა მოთავსებულია წერილი ვინმე „რამპოლა“-სი ამ სათურით: „ჩვენს საქმეს ჩვენვე ვაფუძვებთ, სხვებს ნუ ვაბრალებთ“. ამ წერილში, როგორც მე ვაგვიგე, ამტყუნებს სამღვდლოებას, რომ მოსპობის გზაზედ დგას ჩვენი ეკლესია და ბოლოს თვით ერსაც გადაჰკრამს. რასაკვირველია, მე ნება არა მაქვს ან სამღვდლოების მხრივ და ან ერის მხრივ ხმა ამოვიღო, — ეს თვით სამღვდლოებამ იცის რომელსაც ერი აბარია და ერმა, რომელსაც მწყურსის სამღვდლოება. — ისინი თვით გასცემენ შესაფერ პასუხს. მე მხოლოდ შევხები თბილისის მონასტერს და ამავე მონასტრის ძმებს, რომელთაც სთხრის და ამაგებს ვინმე

ნილაბ აფარებული „რამპოლა“. სიტყვა სიტყვით მოვიყვან მის სიტყვებს: „...ამ მონასტერს არა აქვს არავითარი მნიშვნელობა, არც ისტორიული, არც სარწმუნოებრივ-ზნეობრივი; არ არის იგი მაუწყებელი ქართველ დიდებულ ცხოვრებისა; არც აქვს მას მცხოვრებლებზე ზნეობრივი გავლენა და არამც თუ კეთილად არ მოქმედებენ მცხოვრებლებზე ძმანი ამა მონასტრისანი, არამედ პირ იქით აკეთებენ მათ თვისის არა მონასტრულ ცხოვრებითა“. ბატონო რამპოლა! ერთი მიბძანეთ, რომელი მცხოვრებელი მოვიდა თქვენთან და, ან იქ, სადაც ჯერ არს საჩივრელად, რომ ძმანი მონასტრისანი აკეთებენ მცხოვრებელთა თვისის არა მონასტრულ ცხოვრებითა, რომ მათ მაგიერ ვეპილად დამდგარხართ?! ძალიან შემცდარი ბრძანდებით ბ. რამპოლა მაგ აზრზე და ვერ იცნობთ თქვენ მათ! იმათ არაფერი დამოკიდებულება არა იქვთ მცხოვრებლებთან პირ იქით ვინც მოდის ყველასთან სიყვარულ-ზრდილობიანათ მოქცევა, პატივი და სიწყნარე, ეკლესიაში თვის დროზედ წირვა და ლოცვა. ამასაც ვიტყვი მოურიდებლად, რომ დღეს ჩვენ საქართველოში არც ერთ მონასტერში არ არის ისეთი განწყობილი კითხვა და გალობა, როგორც აქ, მაგრამ თქვენ ვერ მიხვდარხართ, რომ სარწმუნოება შეიკა და ის სიყვარული ეკლესიისა, სამღვდლოებისა და ბერ მონაზნობისა, რომელიც წინად ჰქონდა ხალხს, დღეს აღარ აქვს—დაეკარგა. ამ მონასტერს, რომ ისტორიული მნიშვნელობა არა ჰქონდეს და არც მაუწყებელი იყოს ქართველთ წარსულ დიდებულ ცხოვრებისა, როგორც თქვენ ამას ბრძანებთ, და გსურდეთ ამ მონასტრის აღგვა პირისაგან ქვეყნისა, ბერები რა შუაში არიან?! თქვენის აზრით დღევანდელ აშენებულ ეკლესია-მონასტერს, რომელთაც ჯერ-ჯერობით ისტორიული მნიშვნელობა არ ექმნებათ, მაშ წაუკიდეთ ცეცხლი და სულ გადასწვი. ბრძანებთ, ბნო რამპოლა, „აქ სამონასტრო აღგილი არაა“-ო. დიახ, თქვენისთანა ურწმუნო კაცისთვის, არსადაც არ არის საქერო, რომ მონასტერი და ბერები

იყენენ. აქ ქალაქია და როგორ შეიძლება ბერებმა თვისი დანიშნულება ნათლად შეასრულონ, რომ სიამენი ამა ქვეყნისანი მათ არ იზიდავდნენ და არ იმორჩილებდნენ“-ო. ბ-ნო რამპოლა, ერთი მიბძანეთ, თქვენ თუ არა ხართ ბერი ნუ თუ ნება გაქვთ პირნათლად არ შეასრულოთ თქვენი მოვალეობა, როგორც ერის კაცმა, და ან თუ სიამესა ამა ქვეყნისას ემორჩილებოდეთ? პატიოსნება, ზრდილობა, სვინდისი, ლოცვა, ვედრება ღვთისადმი და ყოველივე კეთილი საქმე განა მარტო ბერს მოეთხოვება და სხვას არავის? მაგრამ არამც თუ ქალაქში, რომ უდაბნოდ წავიდნენ ბერები და იქ იწყონ მოღვაწეობა კლდეებში, მაინც კიდევ გეჯავრებათ და მაშინ კიდევ ეტყვიან ეშმაკები ხომ არა ხართო, რომ კლდე ღრეში შემსხდარხართო! ბატონო რამპოლა, თქვენა ბრძანებთ, რომ ამ მონასტერის სამღვდლო შკოლად გადაკეთება განიზრახა ერთმა პირმა, აღძრა საქმე სადაც ჯერ იყო, გარნა ისევ ქართველებმა უარჰყვეს მონასტრის გაუქმება და მის მაგიერ სამღვდლო შკოლის დაარსება. საინტერესოა ვიცოდეთ ეს პირი ვინ იყო ოსმალეელი თუ ყიზილბაში, რომ განიზრახა სამღვდლო სკოლად გადაკეთება მონასტრისა და ან ეს ქართველები ვილა არიან, რომ წინააღმდეგნ. როგორც სჩანს, ეს პირი არა ქართველი ყოფილა და ნეტავი ვის მოუწადინია ეს კეთილი საქმე ჩვენთვის? ერთი გკითხავთ თქვენ, ბ-ნო რამპოლა, განა სამღვდლო შკოლას მონასტერი დაუშლის რასმე?—განა წინააღმდეგია, რომ მონასტერში იყოს ამისთანა შკოლა? თქვენ თუ გესმით, ის პირნი, რომელნიც სამღვდლოთ გინდათ აღზარდოთ, უნდა ეკლესიას, მონასტერს დაუახლოვოთ, თუ დააშოროთ და დაუნგრით კიდევ! განა ძველად მონასტრებში არ იყო შკოლები, სადაც იზრდებოდნენ ქართველი სამღვდლონი და საერონი, რომელნიც აღჭურვილი იყვნენ სწავლა-ზნეობით? რამპოლა ბრძანებს მთავრობა მღვდლებად ნება უნებურად უვიც კაცებს ამწესებსო. ერთი თქვენა გკითხავთ, რატომ ნასწავლნი სემენარიელნი არ მიდიან მღვდლე-

ბად? რა არის მიზეზი, რომ რუსეთში სემენარია-დასრულებულნი არამც თუ მღვდლებად, არამედ მედავითნეთაც მიდიან და ისიც იმ პირობით, რომ სამ წლამდის მათ ნება არა აქვთ მღვდლობა თხოვონ. იქ ზოგი მედავითნე აიღებს წელიწადში ას და ორას თუმანს, მგენში კი ორას თუმანს ვერც ქალაქის დეკანოზი აიღებს და სოფლებში ხომ შიმშილით იხოცებიან და ესაა მიზეზი, რომ აღარ მიდიან სემენარიელნი მღვდლებად და ისევ სხვა საშახურს ეძებენ. ბ. რამპოლა იბრალებს მთავრობას, რომ ამისთანა შკოლას ხელმოკლეობის გამო ვერ დაგვიარსებს, მაშასადამე ჩვენ ადგილობრივ უნდა მოვახერხოთ რამე და აი სწორეთ სახელდახელო იქნება ამ საქმისთვის თბილისის მონასტერში. ბ. რამპოლას ჰგონია თითქოს ეს მონასტერი კი მთავრობის ხელში არ იყოს და თვის ნებაზედ გინდ შკოლად გადააქციეს და გინდ თეატრად და თუნდ თავის ხელშიაც იყოს განა რა შემოსავალი აქვს ამ მონასტერს, რომ იმითი შკოლა დაიარსოს. ის არ იცის და არა აქვს შეგნებულნი რამპოლას, რომ თვით ის ოთხი ბერი, რომელთათვის კიდევ შეშურებია თვისი რჩენა მონასტრის ფულით, დღიურად ძლივს გამოდიან. თუ არა და რომელმა დაგიშალათ, ბატონო, აქ შკოლის გახსნა? გამოხახეთ წყარო მის შესანახად და მობძანდით ადგილი ბევრი გვაქვს და აღზარდეთ სამღვდლონი მონასტერში ისე, როგორათაც იზრდებოდნენ ძველად მონასტრებში და ბოლოს გადიოდნენ ღვთის მოყვარულნი და სამღვთო წერილის ზედმიწევნით მცნდნენი და ემსახურებოდნენ ერს და ჰქადაგებდნენ შიშს ღვთისას და სიყვარულს კაცისას. წასული წლის დეკემბრის ქართლ-კახეთის სამღვდლოების კრებაზედ თვით ამავე მონასტრის წინამძღვარმა, არხიმანდრიტმა დოსითეოსმა კითხვა შეიტანა, რომ ამ მონასტერში გაეხსნათ საღიაოქო შკოლა, მაგრამ არაფერი არ გამოვიდა და არც კი მოჰგონებიათ.

აუარებელი ფული შრომა, მეცადინეობა იხარჯება სამღვდლოებისა სემენარიაზედ და სასულიერო სასწავლებლებზედ (უჩილიშ-

ჩებზედ), რომ იქ უნდა იზრდებოდნენ ჩვენი სამღვდელმონი. მაგრამ არ იზრდებიან და ეხლა მოჰგუნებებია ბ. რამპოლას, რომ დააქციოს თბილისის მონასტერი და იქ გახსნას სამღვდელო შკოლა. ნეტავი ვიცოდე, სემენარია რაღა საქირთა და რატომ სხვა გეგმის შკოლად მაინც არ გადააქცივენ მას. განა რა არის აქ მიზეზი თუ არა ის, რომ არა სურს მას, რამპოლას, კერძოდ ეს მონასტერი და სძულს ბერებიც. დასასრულ ამას გეტყვი, ბ. რამპოლა, რომ ნილიბი აგეხსნათ თქვენთვის და მათთვისაც ვინც ასეთი გულშემატკივარნი გამოჩენილან სამღვდელოების შკოლისათვის და ბერების ცხოვრებისათვის, უფრო კარგებს და დაწვრილებით მოგახსენებდით ყოველივეს, მაგრამ ეხლა არ ვიცი ვისთან მაქვს საქმე და ესეც კმარა.

გასაკვირველია, ღმერთმანი, რომ ახალი სენი ეწვით ქართველობას, ეხლა ძალიან იჩინა თავი ამ ბოროტებამ, გაზეთში ერთი ერთმანეთს ლანძღავენ, კერძოდ ყველას ჰგონია ცამდის მართალი იყოს და შეუცთომელი, სადაც ერთიანი თქმა უნდა, იქ არაფერს არ ამბობენ, მხარს არ უჭერენ ვინც კარგს რასმე ამბობს და ამ გვარის ქვებუდანობით საზოგადო საქმეს აფუჭებენ. ღიას, მეც გეთანხმებით, რომ ჩვენს საქმეს მუდამ ჩვენვე ვაფუჭებთ.

უღირსი ბერი.

რედაქტორი, მღვდელი **სიმონ მხედლიძე**.
გამომცემელი **იოსებ ლეშავა**.

ვაეზალებ
სამღვდილო ზე საღიასკნთ
საგნეუზი,
აგრეთვე **სამასწვ კლებლო**
ეგჷმენის ასაღებად.
ადრესი: ქუთაისი, კახაკოვის ქუჩა, № 17

დაიბეჭდა

შემდეგი ბლანკები:

კლირთვის უწყებები

ახალი ფორმისა

თანახმად უწ. სინოდის ნაჩვენებ ნიმუშისა.

კანტრაკტი

საეკლესიო მამულების იჯარით გასაცემად

სავაჭრო ფურცელი

(Торгов. листъ)

ჯილდოს ფურცელი

(Наградн. листъ).

მოიპოთ

იმერეთ. წმ. გიორგის სარწმ. განმ. „ძმობის“

სტამბაში.

სტამბა

იმერეთის წმ. გიორგის სარწმ.-განმანათ.

„ძმობის“

ქ. ქუთაისში, თბილისის ქუჩაზე, ს. კარაშჩევის
სახლში, გუბერნატ. კანცელიარიის ქვეშ,

ღებულაბს ყოველგვარ სასტამბო საქმეებს

სულ-მისაწდომ ავასუში

ასრულებს სუფთად ღ თავის დროზე.